



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-371-4/23**
Datum: 28.09.2023. godine

«Agencija za vodno područje rijeke Save» Sarajevo rješavajući po zahtjevu Grada Zavidovići za donošenje rješenja o prethodnoj vodnoj saglasnosti za privremeno ispuštanje sanitarno-fekalnih otpadnih voda dijela naselja ulice Zlatnih Ljiljana u Gradu Zavidovići, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Investitoru, Gradu Zavidovići daje se prethodna vodna saglasnost za privremeno ispuštanje sanitarno-fekalnih otpadnih voda sa lokacije dijela naselja ulice Zlatnih Ljiljana u Gradu Zavidovići, od raskrsnice ulice Zlatnih Ljiljana sa regionalnim putem R-466 (Zavidovići-Kamenica) do ulice Gajska, Grad Zavidovići. Ova prethodna vodna saglasnost se odnosi na ispušt sanitarno-fekalnih otpadnih voda (jedan ispušt) u rijeku Bosnu.
2. Prethodna vodna saglasnost se daje u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
4. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 4.1. Izraditi i revidovati investiciono-tehničku dokumentaciju na nivou potrebnom za pribavljanje odobrenja za građenje u kojoj će se dati tehnička rješenja koja se odnose na način prikupljanja, tretmana i ispuštanja sanitarno-fekalnih otpadnih voda sa lokacije dijela naselja ulice Zlatnih Ljiljana u Gradu Zavidovići, od raskrsnice ulice Zlatnih Ljiljana sa regionalnim putem R-466 (Zavidovići-Kamenica) do ulice Gajska, Grad Zavidovići, a sve u skladu sa članom 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
 - 4.2. Investiciono-tehnička dokumentacija treba biti urađena od strane ovlaštenog pravnog lica i revidirana od strane drugog pravnog lica, oba sa „liste A“ Federalnog ministarstva poljoprivrede, vodoprivrede i šumarstva, a prema članu 14. stav 2. Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 4.3. Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima, načinu izdavanja i čuvanja vodnih akata koja su bitna za konkretni slučaj, a naročito:
 - Predmetna trasa sanitarno-fekalne kanalizacione mreže mora biti usklađena sa prostorno planskom dokumentacijom i razvojnim planovima Grada Zavidovići za razmatrani prostorni obuhvat definisan tačkom 4.1.;

- Dati osnovne podatke o recipijentu, sa detaljem ispusta u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka);
 - Proračun kvantitativnih i kvalitativnih karakteristika otpadnih voda sa predmetne lokacije i pratećih objekata;
 - Tehničko rješenje sistema za prikupljanje, prečišćavanje i ispuštanje prečišćenih otpadnih voda sa predmetne lokacije sa potrebnim proračunima i tehničkim opisom;
 - Na preglednoj situaciji prikazati cjelokupan lokalitet sa planiranim objektima (kanalizacioni sistem, uređaj za tretman otpadnih voda, ispuste i dr.);
 - Tehničko rješenje za monitoring i način monitoringa ispuštenih otpadnih voda;
 - Sagledati mogućnost nastajanja neželjenih uticaja na režim voda ili uticaja režima voda na stanovništvo, objekte, radove i okolinu, sa prijedlogom mjera sa sprječavanje istih.
- 4.4. Pri izradi projektne dokumentacije pažnju posvetiti na položaj postojećih instalacija (vodovodne, elektro, PTT i dr.), te dati tehničko rješenje za ukrštanje ili izmještanje istih u saradnji i pod uslovima operatera tih sistema.
 - 4.5. Sagledati sve moguće neželjene uticaje na planirani objekat i planiranog objekta na druge objekte i postrojenja, stečena prava korisnika, postojeću infrastrukturu, naselja, zone sanitarne zaštite izvorišta i slično, te dati prijedlog mjera za sprječavanje tih uticaja u toku izgradnje i korištenja, uključujući i standardne i dodatne mjere zaštite.
 - 4.6. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
 - 4.7. Investitor u tehničkoj dokumentaciji treba dati takva rješenja kojim će se obezbjediti da prečišćene otpadne vode prije ispuštanja u definisani recipijent zadovoljavaju granične vrijednosti emisije na način kako je to propisano članom 13. i 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 4.8. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva, te pravila struke i nauke.
 - 4.9. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
 - 4.10. Predmetni objekat ne smije biti u koliziji sa površinskim vodama, niti da se nalazi u priobalnom pojasu i zaštitnim zonama izvorišta vode za piće. Dokaz pribaviti od strane operatora vodovodnog sistema i nadležnih kantonalnih i općinskih službi.
5. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivu ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
 6. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
 7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
 8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju,

odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

9. Ova prethodna vodna saglasnost se može izmijeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, Grad Zavidovići, je podnio zahtjev za donošenje rješenja o prethodnoj vodnoj saglasnosti za privremeno ispuštanje sanitarno-fekalnih otpadnih voda sa lokacije dijela naselja ulice Zlatnih Ljiljana u Gradu Zavidovići, od raskrsnice ulice Zlatnih Ljiljana sa regionalnim putem R-466 (Zavidovići-Kamenica) do ulice Gajska, Grad Zavidovići.

Uz zahtjev je dostavljena i pregledana slijedeća dokumentacija:

- Ovjerena kopija Uvjerenja o registraciji poreznog obveznika izdatog od strane Porezne uprave FBiH, Kantonalni porezni ured Zenica, dana 29.06.2022. godine;
- Ovjerena kopija katastarskog plana, K.O. Zavidovići, broj plana: 22, UR broj: 06/6-30-3708/2023-20 dana 16.08.2023. godine;
- Skica lokacije fekalne i oborinske kanalizacije naselja Ulice „Zlatnih Ljiljana“, M 1:3000, Služba za upravu geodetskih, imovinsko-pravnih poslova i urbanizma, broj: 06-19-1250/23-UP-1-2, juli 2023. godine;
- Izvodi iz posjedovnih listova izdati od strane Službe za upravu geodetskih, imovinsko-pravnih poslova i urbanizma Grada Zavidovići dana 17.08.2023. godine;
- Studija za izdavanje prethodne vodne saglasnosti za odvodnju fekalnih i površinskih voda u ulici Zlatnih Ljiljana u Zavidovićima, urađena od strane „INPROS“ d.o.o. Mostar, oktobar 2022. godine;
- Dokaz o uplati upravne pristojbe.

U skladu sa članom 124. stav (1) Zakona o vodama i člana 5. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 63/22), o zahtjevu je dana 25.08.2023. godine obavještena javnost putem obavještenja u dnevnim novinama „Oslobođenje“. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

Lokacija na kojoj će se graditi predmetna kanalizaciona mreža separatnog sistema obuhvatat će područje od raskrsnice ulice Zlatnih Ljiljana sa regionalnim putem R466 (Zavidovići-Kamenica) do ulice Gajska.

Kanalizacionu mrežu će činiti vodovi postavljeni na slobodne površine između ulice Zlatnih Ljiljana i ograde stambenih objekata, kao i u trupu ulica unutar prostora obuhvata. Većim dijelom će sanitarno-fekalna i oborinska kanalizacija biti postavljena u istom rovu, dovoljnog rastojanja za postavljanje revizionih šahtova i gdje će sanitarno-fekalni vodovi biti niži od oborinskih vodova.

Projektnom dokumentacijom je obuhvaćeno prihvatanje otpadnih voda od svih objekata unutar tretiranog područja i njihovo gravitaciono odvođenje do planirane lokacije uređaja za prečišćavanje otpadnih voda, odnosno do privremenog upuštanja u rijeku Bosnu (do izgradnje adekvatnog postrojenja za tretman otpadnih voda).

Na predmetnom području obuhvaćenom projektnim rješenjem trenutno živi 3000 stanovnika. Planski period za projektovanje je 30 godina, pa je dimenzioniranje izvršeno za krajnju godinu planskog perioda (za 2052. godinu)., gdje je procjena da će 2052. godine na tom području biti 4104 stanovnika.

Na osnovu izvršenog hidrauličkog proračuna zadovoljavajući profil za glavni vod je 300 mm, a za priključne vodove 200 mm.

Privremeno ispuštanje prikupljenih sanitarno-fekalnih otpadnih voda (privremeno dok se ne izgradi uređaj za prečišćavanje istih) će se vršiti na desnoj obali rijeke Bosne putem jednog ispusta, a tretirane oborinske vode će se ispuštati putem dva ispusta u rijeku Bosnu. Na mjestima ispuštanja u rijeku Bosnu predviđena je izgradnja betonske glave ispusta sa žabljim poklopcem na kraju dovodne cijevi.

Nakon uvida u raspoloživu dokumentaciju, konstatirano je da sa aspekta sektora voda i priložene dokumentacije ne postoje smetnje da se podnosiocu zahtjeva izda prethodna vodna saglasnost uz propisane uslove, pa je riješeno kao u dispozitivu rješenja.

Na osnovu prednjeg i provedenog postupka, a shodno članu 111. Zakona o vodama («Službene novine Federacije BiH», broj 70/06) i člana 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) doneseno je rješenje kao u dispozitivu.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za
izdavanje vodnih akata


Haris Ališehović, dipl.inž.građ.

Dostaviti:

- Grad Zavidovići, ul. Mehmed-paše Sokolovca broj 9, 72220 Zavidovići
- AVP Sava, ISV, Vodna knjiga,
- Sektor 40, arhiva,
- Oglasna ploča